

茅山志卷之十

龍九

上清嗣宗師劉大彬造

上清品

上清經錄聖師七傳真系之譜

太微天帝大道君。上宰總真道君

元始虛皇天尊。太上玉晨大道君。上相青童道君

後聖玄上道君。小有清虛道君

上清道祖大洞至尊元始天王上皇

天帝紫霞虛皇天尊

元始天王迺玉清元始天中之尊黃庭經云
上清紫霞虛皇尊玉緯經云虛皇者大道之
所理即大道之域包羅三清道之祖也元天
生神章稱大洞尊神是也

聖師高聖太上玉晨元皇大道君

玉晨大道君居協靈觀陵層之臺治乘珠
日闕館七暎紫房左帶神虎右佩金真龍冠
鳳裙羽襪錦帔侍衛天真玉童玉女各三萬

人所謂太上者道之子孫審道之本洞道之
根是以上清道君為老君之師萬道之主有
傳紀名八素上經又曰太上隱書金真玉光
豁落七元八景飛經黃庭經所稱太上玉晨
大道君正太上之尊也

聖師紫宸太微天帝大道君

太微天帝為三十六天帝之主治太微紫宸
玉闕之內受以金闕帝君日中五帝字曰日
魂珠景昭翰綠睽迴霞赤童玄爽颺象凡十
六字此是林服飛根之道一名赤丹金精石
景水母玉胞之經

聖師金闕帝宸後聖玄上道君

玄元上道君地皇之胃居瓊臺之殿侍女從
官三萬人上升上清中游太極下治十天乘
三素飛輿陰察鬱絕洞書諸天河海翔盼小
有解駕龜山以校試眾仙隨才授職五年一
下游一年一朝上清有傳紀名靈書紫文一
曰五老寶經今三天列紀是也

聖師上清九微太真玉保王金闕上

相大司命高晨師東海玉明青華小

童大道君

青童大君一號青蓋紫童一號斗中真人治
東海大方諸宮東華山丹闕黃房之內乘碧
霞流景雲輿帶飛青翠羽龍帔從森林千真
受消子三元真一經受太虛赤真人消魔經
以晉代降魏夫人家嘗以三月十八日十二
月二日與茅司命同至句曲推校學者有傳
紀名玉保洞觀經一曰雲林上玄品

聖師金闕上宰西極西城總真道君

總真大君姓王諱遠字方平益州西城山即
西極總真之府領仙官五千人治其所茅司
命之師也嘗降蔡經家會麻姑漢安元年壬
午從老君降鶴鳴山受天師張道陵經符干
卷降陽洛山受清虛真人清虛上經三十三
卷晉代復降陽洛受道於魏夫人及受楊許
三真經法歲以二日同茅司命游於華陽推
校學真男女當為真人者成都括蒼崑崙皆
為總真仙府王君總司太平下教二十四真
人是為三洞教主

聖師小有天王太素清虛道君

清虛真人姓王諱震字子登范陽襄平人也安國侯七世孫以讓元帝建昭三年九月二十七日誕焉父謚文侯母夫人司馬遷之孫真人學道華陰山感太極真人降授上法總真大君授上經三十一卷遂為盟傳之師共載詣玄洲請書真名復還西城又詣太素三元君受流金豁落七元八景飛晨神策玉璽太上遺賜繡羽晨蓋雙珠月明素羽瓊千丹絞錦旌又遣齋成命之書位為太素清虛真人領小有天王三元四司左保上公治王屋山給玉童王女三百人主領寶經乘虎旂龍輦金蓋瓊輪八景飛輿仗九色之節出入上清受事太素宴寢太極也上清經錄至是上天七傳而降世矣

嗣上清第一代太師

上清道主南極紫真後聖上保太微王晨聖后領南嶽上真司命高元神照紫虛至道元君姓魏諱華存字賢安任城人晉司徒舒之之女魏齊王嘉平三年辛未歲生天才卓異玄標挺拔少讀老莊書服胡麻散茯苓九常

欲開居別處年二十四父母強適南陽劉又幼彥生二子璞退幼彥為汝郡修武縣令子息粗立適齋居別室及修初服以太康九年戊申歲十二月十六日夜半感太極真人青童道君搏桑賜谷王景林真人清虛真人來降謂元君曰聞子密緯真氣太帝君勅我授子神真之道遂出太上寶文八素隱書大洞真經高仙羽玄等書三十一卷手授元君曰此書皆授之西城總真君今以付子且語以存思指歸行事口訣迺去元君時年三十七後幼彥沒長子璞為齊司空司馬女子避為陶太尉從事中郎安城太守元君在世八十年咸和九年甲午清虛青童君再降與靈藥兩劑使頓服之剋期會陽洛宮七日夜半太乙遣飈車來迎元君用藏景之道託形神斂而化往陽洛山明日青童君太極四真人清虛王君凡四十七真人降教元君於隱洞雲臺衆真各標至訓三日而去元君研誦玉書積十六年顏如少女於是西王母南極元君來迎升展詣

上清宮玉闕王晨大道君太微天帝金闕後聖君各命使者致命授以玉札金文位為紫虛元君領南嶽上真司命秩比仙公使治天台大霍山洞臺之中主下教學仙者且宴會于清虛之宮次司命神仙請隸屬南嶽迎官並至諸真迺與元君俱詣天台霍山洞臺便道過句曲金壇茅叔申宴會二日二夕迺共適霍山矣璞後仕至侍中蒙使傳法于司徒瑯琊王舍人楊君以典寧三年乙丑六月二十三日元君與衆真降楊君家自是屢降句曲多從青童清虛三茅君游真受非一華陽之傳始此宋元祐進封高元神照紫虛至道元君大元奉定國子司業虞集撰四十五宗師贊其贊曰

仰瞻紫虛翹乎祝融飛霞成章流響振空

日朗月輝玉質金容上承諸天啓我仙宗

嗣上清第二代太師

上清真人金闕上保檢仙司命東華道君洞靈顯化至德真君姓楊諱羲字羲和本吳郡人徙家句容晉咸和五年庚寅歲九月生幼

而通靈義姿容善言笑工書畫與王右軍並名海內許先生邁長史穆年並懸殊而早結神明之交簡文帝為瑯琊王進位丞相用長史薦為公府舍人及帝即位迺不求遷叙高蹈遺榮精思致感永和五年受中黃子制虎豹法六年從魏夫人長子劉璞傳靈寶五符時年二十一興寧三年六月感紫虛元君紫微夫人九華真妃降于家講授要道自是清虛清靈凡四十七真人數來降或降長史山廡所傳經誥多轉使錄示許君父子至是遂為許君傳經之師九華安妃應運為醮嘗告之曰明君夷質虛閒松構玉朗蘭洲高流清響金宮所謂珍寶藏奇幽真內煥必三事大夫侍晨帝躬高佐四輔承制聖君理生斷死賞罰鬼神攝命千靈封山召雲察陰陽之氣九為吳越司命之君將乘龍駕雲白日升天君若不耐風火之煙欲抱真形於幽林者且可尋劍解之道作告終之術乎西城王君又教服日月之華法簡文帝從而師之以太元十一年丙戌歲解駕年五十七贊曰

夷質虛閒靈傳感玄金宮流韻玉樹浮煙
東真會言太帝錫召手傳道書筆墨妙

嗣上清第三代真師

上清仙侯金闕侍晨左卿司命太元廣德至仁真君姓許諱穆字思玄一名謚汝南平輿人六世祖光徙居丹陽以晉惠帝永興二年乙丑歲生起家太學博士出為餘姚令後徵為尚書郎遷郡中正護軍長史給事中散騎常侍外混世業內修真學嘗慕兄遠游之高軌值簡文吳駕專靜山廡與楊君深結神明之契興寧中眾真降楊備傳經誥定錄中君尤多示訓太元元年解化年七十二子姪禮寔虛樞於縣西大基真誥云君提命所基綠業已久迺周武王九宮上相長里薛公之弟兼許肇遺功復應垂社後胤故乘運託生因資成道玉札所授為上清真人爵登侯伯位編卿司理仙撫治佐聖牧民矣贊曰
風緣應運世胄承社妙教人文密質神理塵爵外縻何間內修玉晨之虛我懷真游四代宗師上清仙公金闕右卿司命東華侍

晨混化元一真人仙侯第三子也諱翽字道翔小字玉斧清穎瑩潔特絕世倫生晉咸康七年辛丑歲正月郡舉上計掾主簿祖司徒府辟掾並不赴立宅雷平山前密修上道興寧三年七月紫微夫人降教自是與眾真酬接書疏備修迴元飛步三景儀璘之法嘗願早游洞室不欲久停人世以太和五年庚午歲詣北洞告終時年三十者舊相傳云掾在北洞石壇上燒香禮拜因伏而不起明旦視形如生保命君受言許子遂能委形實化從張鎮南之夜解鎮南即天師第三代系師也自此居方隅洞館常去來四平方臺真誥云後十六年當度東華受書為上清仙公掾妻建康令黃演女名敬儀生子黃民迺還家黃民字玄文年十七仕至司農丞元興三年避京畿亂迺奉遺經入剡中矣贊曰
紫微受書追奔兩儀人間如帑久留何為委形虛壇合莫太始遺經不忘保之有子五代宗師上清仙卿保真先生姓馬諱翽一名溫公字子明浙東剡縣東關人家素饒財

履信行義為鄉里所宗聞茅山楊許得道成傳南真上清經法以其居接金庭天台咫尺仙府稱加崇慕元興三年許丞黃民載經避亂君躬迎道左延止其家禮敬供養元嘉六年許丞還錢唐封其先世真經一櫺子留君靜室之中且云此經並是仙靈之蹟唯須我自來取縱有書疏慎勿與之唯分十數卷自隨至錢唐感疾慮不即瘥遣人取經君既得書堅執先旨謂親受教勅豈敢輕付遂不還經許亦旋沒君同弟罕故事經實有過君父恒使有心奴子二人一名白首一名平頭侍直香火灑掃拂拭每有神光靈氣見於室宇君妻頗能通見云數有青衣玉女空中去來狀如飛鳥君家遂益富感資產鉅萬累世壽考而終贊曰

天不愛道地不愛寶而彼渺薄蓋之能保羣真手遺玉珮金璫知之者希見之者昌六代宗師上清仙卿輔正先生諱罕字子言保真之堂弟也同兄敬奉經實居士妻惠明者先以在刻意甚貪樂經法而扁鑄嚴固觀

覽無方景和元年迺出都令嘉興父秀真啓宋主勅就馬家取經比經至都父呈景和於華林暫開初以付後堂道士即陸靈驗記曰二馬有保經之功沒世之日上帝命靈官持玉版召入金庭洞天俱授仙卿之任贊曰

維昔茅君兄弟及繼茲令蹤共保靈芝七代宗師上清監仙大夫九天掌籍宋國師謚簡寂先生丹元真人姓陸諱修靜字元寂吳興東遷人父琳九徵不起謚高道處士真人蹠有重輪足有雙蹠掌有大字背有斗文篤好文籍旁究象緯及長好方外游南詣衡湘九疑訪南真之遺蹟西至峨眉西城尋清虛之高躅宋元嘉末因市藥京邑文帝召不往迺友陶淵明僧慧遠於廬山明帝泰始三年詔江州刺史王景宗禮聘來朝初住後堂真人不樂迺授館于外又勅會于華林延賢之館王公畢集真人鹿巾謁帝而升帝肅然加敬遂以父季真取到上清經法勅付其人總括三洞為世宗師仍勅北郊天印山立崇

虛館建傳經宗壇教法大備矣明年帝疾即其館修金錄一夕有黃氣如寶蓋狀彌覆壇宇帝復感異於夢疾迺有瘳所著齋法儀範百餘卷元微五年正月忽若趨裝將還舊山弟子皆訝之迺三月二日儼然解化時廬山諸徒屬共見霓旌藹然下臨靜室聞空中有言曰上清監仙大夫降俄而勅送冠履還山詔所居為簡寂觀贊曰

緬游靈嶽結友匡廬來秀黃華濯清素滌手握奇文足履輪輻蕭館虛林想見遺躅八代宗師紫微仙卿與世明德先生姓孫諱游嶽字穎達東陽人性稟淵淳博學經傳拜簡寂於仙都山教服教精九居仙都四十七年不與世接後來茅山簡寂見而喜曰遲君來吾高枕廬山矣授以楊許真法未幾簡寂化詔先生主興世館為嗣宗師一時名士沈約陸景真陳寶誠等咸學焉弟子百餘人先生嘗夢茅君曰青華小童復降句曲汝弟子中善護持之永明間陶弘景入山先生異其丰神超邁且聞身有斗文因省所夢曰青華

小童豈非斗中真人耶即盡受其法累表乞還山詔不允永明七年五月十五日沐浴還神年九十一贊曰

百穀之精結英中庭人以腹實我以虛寧金真玉光神文在世青童復來吾得攸寄

九代宗師金闕右卿司命蓬萊都水監梁國師中散大夫謚貞白先生宗元朔教真人姓陶諱弘景字通明吳荆牧濬七世孫丹陽秣陵人也生宋孝建三年丙申四月三十日甲戌十歲見淮南八公事便嗜養生之說既冠而不肯婚以資營未立薄游下位仕齊歷諸王侍讀年二十餘從興世館孫先生咨果經法茅山獲前真楊許手書於是啓假東游詣婁惠明於大洪山過杜京產於太平山尋鍾義山於兆山謁朱僧標於天台又獲真人手蹟十餘卷還都以振武將軍除奉朝請永明十一年廼拜表辭職時年三十七遂來山自稱華陽隱居橫西立華陽三館上館建層樓身居其上弟子居中樓賓於下梁武即位彌加欽重時人謂為山中宰相天監四年出居

嶺東有事于鑪燹七年以為林巖淺近復思遠游廼改名氏曰王整官稱外兵夜半出山至永嘉楠江青嶂山夢佛受記名勝力菩薩住大若巖修所著真誥復泛海詣霍山經年還木溜嶼武帝有勅迎還舊山因詣鄒縣禮

阿育王塔自誓受五大攝戒既歸入住東澗明年冬徙朱陽館又移鬱岡齋室先生山世所著書二百餘卷弟子受經法者三千餘人大同二年三月十二日作告逝篇示檀法闍等即日尸解年八十一屋中香氣積日不散勅遣舍人主書監護喪事十四日窆虛極于雷平山先生神儀明秀盼睐有光形細長項耳間矯矯顯然異衆矣嘗言心中恒如明鏡觸形遇物不覺滯礙紫陽王君曰陶公久入下仙之上廼范幼冲等也趙丞曰蓬萊都水監高光坐治水事故責以陶代之既且停召當更選耳按此廼乙未年中事見周氏玄通記後二十一年先生始去世仙位當更升也贊曰

高卧白雲晨發絳霞弟子如林著書滿家

灌神九清騰耀三景與天為徒如日之炯十代宗師上清少室仙伯唐國師金紫光祿大夫謚昇玄先生姓王諱遠知字德廣瑯琊臨沂人父曇選陳揚州刺史母丁夢鳳鳥巢其身僧寶誌謂其父曰生子當為神仙宗伯

以梁大通二年生弱冠師宗道先生咸矜進而宗修隱居經法陳主召入重陽殿特加禮敬送歸茅山居于洞西北嶺隋晉王廣鎮揚州具禮迎請既至忽鬚髮變白王懼而歸之大業七年煬帝幸涿郡召見臨朔宮扈駕洛陽奉勅詣中嶽修齋復詔京師建玉清玄壇以處之唐高祖龍潛時先生密告以符命武德中太宗為秦王平王世充因與房玄齡微服謁先生先生迎謂曰此中有聖人秦王廼審其實先生曰方作太平天子願自愛已而請還山貞觀九年勅建太平觀賜田度道士七十七人為侍者八月十四日適因睡寤喜形於色謂弟子曰吾向暫游洞宮仙官見報欲以疲朽補仙伯名位已定行在不久十六日沐浴入室焚香願問侍者日時早晚對曰辰

時曰好即正衣冠就寢而化年一百二十有六高宗調露二年贈太中大夫謚昇真先生天后嗣聖加贈前號時稱玉法主云贊曰
翩翩風儀覽德不遲或隱或來景運有期
質化神通不滯玄白百廿六歲唐仙宗伯

九

十三

茅山志卷之十

茅山志卷之十

龍十

上清嗣宗師劉大彬造

上清品

十一代宗師上清檢校仙公唐國師太中大夫謚體玄先生姓潘諱師正字子真貝州宗城人父真隋通州刺史母魯氏善言名理口授以道德經母卒廬墓以孝聞大業中有道士劉愛道者見而奇之曰三清之驥非爾誰乘之時王法主為煬帝所尊禮每入禁中躬薦松水以祈福愛道曰吾甚欲子相從然成就功道非法主不可由是師事法主同還茅山一日謂先生曰高陽迺汝修真之地當並往無疑先生遂入雙泉中嶺間居十許年復深入逍遙谷避與世絕上元三年高宗幸東都禮嵩嶽召見先生請作符書辭不解又問山中所須答曰茂松清泉臣之所須此中不乏帝異之調露初再祀嵩帝迺幸逍遙谷見薛荔繩床將朽敗餘無火粒之具唯兩鉢貯青飢飯耳因即其地勅建崇唐觀明年春又以步輦致先生於洛城西宮仍勅改高陽觀

為奉天宮每手詔具弟子姓名皆白自是乘輿屢陟山阿帝在洛陽復召對及請還御製詩以送先生嘗謂弟子曰吾實無用接見帝王驚擾靈嶽汝等學道不厭深眇則無累矣永淳元年六月十四日素沐浴書符置湯中曰終身淨也時造石室於北巖下將成十六日遽云去去弟子韓文禮問何去曰泰山檢校功德語畢雲氣覆度須臾解蛻年九十八天后降制若曰去年冬晚軒皇之駕不追今歲秋初廣成之居又寂聖曆二年立碑嵩山贊曰

絕世之資皆思友之仙緣有定敢廣以私茂松清泉亦復何須冥心合真樂出太虛十二代宗師上清玄初仙公唐國師銀青光祿大夫謚貞一先生姓司馬諱承禎一名子微字道隱世居溫晉彭城王權之後襄滑二州長史仁最之子生而能言天錫神表年二十師體玄於高陽受金根上經三洞隱書嘗有鳥如鳳凰下集香几爪痕著几成書文曰東華上清真人由是益神其行玄索異之道